

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI RABU, 11 MAC 2015, PUKUL 10.00 PAGI**

**Bil. 3**

---

**PERTANYAAN-PERTANYAAN BAGI JAWAB LISAN**

1. PR-1331-L66826  
**Dato' Abd. Aziz bin Haji Sheikh Fadzir [ Kulim Bandar Baharu ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan adakah Kementerian bercadang mewujudkan jawatankuasa yang dapat mencari resolusi menurunkan harga barang sejajar dengan penurunan harga minyak dan tindakan yang diambil kepada peniaga yang ingkar.
2. PR-1331-L66901  
**Tuan Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan jumlah syarikat yang telah menyatakan GPGM untuk mempertikaikan perlaksanaan Akta Gaji Minima yang telah diluluskan oleh Parlimen.
3. PR-1331-L65892  
**Dato' Haji Irmohizam bin Haji Ibrahim [ Kuala Selangor ]** minta **PERDANA MENTERI** menyatakan bagaimanakah Indeks Syariah Malaysia dapat membantu dalam mengenal pasti ruang-ruang pembaikan yang perlu diberi fokus oleh Kerajaan supaya rakyat dapat menerima lebih banyak manfaat hasil daripada penerapan nilai-nilai sejagat dalam Islam.
4. PR-1331-L66982  
**Tuan Wong Ling Bui [ Sarikei ]** minta **PERDANA MENTERI** menyatakan sama ada Projek Pembinaan Perumahan 1 Malaysia ( PR1MA) akan dilaksanakan di kawasan parlimen Sarikei. Kalau tidak, apakah projek lain berkenaan tentang pembinaan rumah-rumah yang berharga rendah supaya dapat ditanggung oleh golongan rakyat yang berpendapatan rendah.

5. PR-1331-L65811  
**Dr. Noor Azmi bin Ghazali [ Bagan Serai ]** minta **MENTERI DALAM NEGERI** menyatakan beberapa sesi perbincangan telah diadakan pada tahun lalu di antara Majlis Aids Malaysia dan PDRM untuk wujudkan projek perintis perkhidmatan kesihatan di lokap tahanan polis. 97 peratus sangat setuju perkhidmatan kesihatan diadakan di dalam lokap kerana ini boleh menurunkanjangkitan HIV, TB, dan boleh mengurangkan kematian di lokap. Bilakah Projek Perintis ini akan diwujudkan dan adakah jawatan Doktor dan Jururawat akan diwartakan.
6. PR-1331-L66960  
**Tuan Er Teck Hwa [ Bakri ]** minta **PERDANA MENTERI** menyatakan jumlah perbelanjaan yang dibayar kepada Tan Sri Muhammad Shafee Abdullah sepanjang kes Datuk Seri Anwar Ibrahim dibicarakan di Mahkamah Rayuan dan Mahkamah Persekutuan.
7. PR-1331-L66024  
**Tuan Anyi Ngau [ Baram ]** minta **PERDANA MENTERI** menyatakan apakah pihak Kementerian akan merangka strategi bagi menambah baik usaha menyelamatkan serta sistem penyampaian bantuan bencana banjir bagi mangsa banjir yang tinggal jauh di pedalaman Baram yang tidak mempunyai akses kepada jajaran jalan raya.
8. PR-1331-L65941  
**Dato' Dr. Nik Mazlan bin Nik Mohamad [ Pasir Puteh ]** minta **MENTERI PERTANIAN DAN INDUSTRI ASAS TANI** menyatakan berapa jumlah hasil tangkapan ikan di perairan Malaysia dalam tempoh lima tahun yang lepas. Berapa banyak tangkapan kapal-kapal nelayan asing sepanjang tempoh yang sama.
9. PR-1331-L65561  
**Datuk Sapawi bin Ahmad Wasali [ Sipitang ]** minta **MENTERI PENDIDIKAN** menyatakan sejauh manakah pencapaian peperiksaan PT3 yang diperkenalkan mulai tahun 2014 bagi menggantikan PMR, dan adakah ia mencapai sasaran Pelan Pembangunan Pendidikan Malaysia (PPPM).
10. PR-1331-L66702  
**Tuan Shamsul Iskandar bin Mohd Akin [ Bukit Katil ]** minta **MENTERI PEMBANGUNAN WANITA, KELUARGA DAN MASYARAKAT** menyatakan sehingga hari ini, berapa peratus dari 15 Strategi Pelan Tindakan Orang Kurang Upaya 2008 yang terhasil dari Konvensyen OKU 2007 telah dilaksanakan .
11. PR-1331-L65507  
**Dato' Haji Mohd Zaim bin Abu Hasan [ Parit ]** minta **MENTERI KEWANGAN** menyatakan apakah langkah strategik Kerajaan bagi mencari hala tuju baru untuk menjana pendapatan negara, setelah negara menghadapi ketidaktentuan ekonomi akibat kejatuhan harga minyak dan komoditi seperti getah dan kelapa sawit.

12. PR-1331-L67333  
**Ust. Datuk Dr. Mohd. Khairuddin bin Aman Razali [ Kuala Nerus ]** minta **MENTERI PERUSAHAAN PERLADANGAN DAN KOMODITI** menyatakan apakah usaha atau persiapan yang dilakukan oleh Kementerian untuk berhadapan dengan kejatuhan harga dan kemerosotan pengeluaran getah berikutan faktor cuaca. Jika dibandingkan, Disember lalu harga SMR 20 naik 9 sen kepada 524 sen sekilogram, manakala pada 10 Februari 2015, harganya telah turun ke 494.5 sen sekilogram; iaitu penurunan sebanyak 29.5 sen.
13. PR-1331-L65875  
**Datuk Raime bin Unggi [ Tenom ]** minta **MENTERI PERTANIAN DAN INDUSTRI ASAS TANI** menyatakan apakah mekanisme bagi syarikat-syarikat yang terpilih untuk agihan beras nasional agar ianya tidak disalah guna.
14. PR-1331-L65812  
**Tuan Wan Hasan bin Mohd Ramli [ Dungun ]** minta **MENTERI PENDIDIKAN** menyatakan jumlah guru-guru yang memohon pertukaran bagi mengikut pasangan dan sejauh mana tindakan yang telah diambil.
15. PR-1331-L65551  
**Dato' Sri Haji Abdul Azeez bin Abdul Rahim [ Baling ]** minta **PERDANA MENTERI** menyatakan apakah inisiatif Kerajaan dalam menyelaraskan sistem pembelajaran dan pembangunan di sekolah agama pondok terutamanya di kawasan luar bandar seperti di Baling.
16. PR-1331-L65653  
**Puan Hajah Zuraida binti Kamaruddin [ Ampang ]** minta **MENTERI PENDIDIKAN** menyatakan mengapa kursus *Applied Behaviour Analysis* tidak ditawarkan di mana-mana universiti di Malaysia memandangkan statistik kanak-kanak istimewa semakin tinggi di negara ini.
17. PR-1331-L65767  
**Datuk Bung Moktar bin Radin [ Kinabatangan ]** minta **MENTERI KEWANGAN** menyatakan apakah langkah-langkah yang telah dan akan diambil oleh pihak Kerajaan bagi menstabilkan nilai Ringgit Malaysia berbanding US Dollar memandangkan nilai mata wang Ringgit Malaysia yang kian menyusut.
18. PR-1331-L65917  
**Puan Alice Lau Kiong Yieng [ Lanang ]** minta **MENTERI DALAM NEGERI** menyatakan:-
  - (a) keberkesanan JPN Bergerak di Sarawak terutama di Sibu; dan
  - (b) jangka masa yang diambil untuk memproses permohonan surat kelahiran dan kad pengenalan bagi rakyat di kawasan pedalaman terutama kaum Iban yang lewat memohon surat kelahiran atau kad pengenalan mereka.

19. PR-1331-L67404  
**Datuk Haji Shabudin bin Yahaya [ Tasek Gelugor ]** minta **MENTERI KOMUNIKASI DAN MULTIMEDIA** menyatakan langkah-langkah masa depan yang dirancang untuk menangani pihak-pihak yang menyalahgunakan media sosial untuk tujuan menghasut, memfitnah dan melakukan jenayah siber.
20. PR-1331-L67167  
**Dr. Michael Jeyakumar Devaraj [ Sungai Siput ]** minta **MENTERI SUMBER ASLI DAN ALAM SEKITAR** menyatakan cadangan Kementerian untuk mendalamkan Sg. Pahang, Sg. Kelantan dan Sg. Perak yang telah menjadi cetek akibat pemendapan pasir hasil hakisan tanah di kawasan hulu.
21. PR-1331-L66499  
**Tuan Anuar bin Abd. Manap [ Sekijang ]** minta **MENTERI DALAM NEGERI** menyatakan:-
- (a) adakah Kementerian mengkaji keperluan Akta Hasutan dikemas kini untuk tujuan penambahbaikan kerana dilihat ramai yang lari ke luar negara setelah mengeluarkan kenyataan yang boleh menggugat kestabilan awam; dan
  - (b) apakah Kerajaan telah membuat perjanjian serah balik dengan negara-negara barat supaya ekstradisi dapat dilaksanakan untuk membawa penjenayah pulang.
22. PR-1331-L66621  
**Tuan Ahmad Marzuk bin Shaary [ Bachok ]** minta **PERDANA MENTERI** menyatakan jumlah dan jenis bantuan banjir yang diberikan kepada Kelantan. Apakah isu-isu utama yang melibatkan bantuan banjir yang dikenal pasti oleh pihak Kerajaan serta berapakah jumlah masjid dan surau yang mengalami kerosakan teruk akibat banjir 2014 di Kelantan dan jumlah bantuan yang diperuntukkan.
23. PR-1331-L67426  
**Dato' Sri Azalina binti Dato' Othman Said [ Pengerang ]** minta **MENTERI PENDIDIKAN** menyatakan adakah pihak Kementerian memasukkan silibus pembelajaran berkenaan kesihatan seperti HIV, AIDS dan denggi dalam sistem pengajaran pelajar sekolah bagi pengetahuan akan langkah-langkah keselamatan yang perlu diambil kerana hal ini perlu diberikan penjelasan sewajarnya untuk pengetahuan pelajar di peringkat sekolah lagi.
24. PR-1331-L66329  
**Dr. Tan Seng Giaw [ Kepong ]** minta **MENTERI PENDIDIKAN** menyatakan kriteria untuk meluluskan pembinaan kolej perubatan. Berapa graduan berkualiti akan dikeluarkan setiap tahun dari 33 buah kolej.

25. PR-1331-L67420  
**Dato' Seri Tiong King Sing [ Bintulu ]** minta **MENTERI KEWANGAN** menyatakan:-
- (a) apakah punca sebenar yang dihadapi oleh Syarikat Perumahan Negara Berhad (SPNB) di dalam kegagalan melaksanakan projek Rumah Mesra Rakyat di negeri Sarawak lebih-lebih lagi bagi bahagian Bintulu di mana permohonan sudah pun di temu duga semenjak 2012 dan 2013 yang lalu ; dan
  - (b) berapa banyak permohonan yang masih tertunggak bagi negeri Sarawak khususnya bagi bahagian Bintulu.
26. PR-1331-L66118  
**Tuan Wong Chen [ Kelana Jaya ]** minta **MENTERI KEWANGAN** menyatakan:-
- (a) siapakah yang membeli bon-bon Kerajaan semenjak penjualan bon-bon tersebut secara mendadak mulai Oktober 2014; dan
  - (b) apakah jumlah dan nilai bon-bon yang dipegang oleh semua agensi Kerajaan termasuk Permodalan Nasional Berhad (PNB), Kumpulan Wang Persaraan (KWP), Kumpulan Wang Simpanan Pekerja (KWSP) dan Khazanah Nasional Berhad, untuk setiap bulan pada tahun 2014.
27. PR-1331-L66671  
**Tuan Haji Hasbi bin Haji Habibollah [ Limbang ]** minta **MENTERI SUMBER ASLI DAN ALAM SEKITAR** menyatakan apakah langkah Kerajaan untuk jangka masa panjang dalam menangani fenomena banjir besar yang dijangka akan kerap berlaku kerana kesan daripada pemanasan global dan kerosakan muka bumi oleh tangan-tangan manusia.
28. PR-1331-L66448  
**Tuan William Leong Jee Keen [ Selayang ]** minta **MENTERI KEWANGAN** menyatakan alasan-alasan untuk harga diesel yang lebih tinggi daripada RON 95 dan mekanisme penetapan harga RON 97, RON 95 dan diesel.
29. PR-1331-L65846  
**Dato' Ar. Wan Mohammad Khair-il Anuar bin Wan Ahmad [ Kuala Kangsar ]** minta **MENTERI PENDIDIKAN** menyatakan apakah usaha Kementerian Pendidikan untuk menjadikan mata pelajaran Pendidikan Seni menjadi bidang ilmu yang penting daripada segi melahirkan pelajar yang seimbang daripada aspek rohani, jasmani dan intelek. Dan apakah usaha-usaha pihak-pihak berwajib seperti Balai Seni Lukis Negara dan Pusat Kraf Negara bagi menyediakan warga pelajar menghadapi era kecemerlangan bidang ini yang pasti menjanjikan pendapatan lumayan di era cabaran globalisasi dan dalam masa yang sama meningkatkan tahap kualiti dan kesinambungan budaya bangsa.

30. PR-1331-L66852  
**Tuan Teo Kok Seong [ Rasah ]** minta **MENTERI PENDIDIKAN** menyatakan:-
- (a) perkembangan terkini mengenai usaha pengiktirafan sepenuhnya Sijil Peperiksaan Bersama (Unified Examination Certificate/UEC) yang pernah dijanjikan oleh Perdana Menteri selepas bertemu dengan pemimpin Dong Zong pada 1 April 2013; dan
  - (b) langkah jangka masa panjang untuk membantu pelajar lepasan UEC untuk meneruskan pengajian tinggi di tanah air.
31. PR-1331-L65915  
**Tuan Tan Kok Wai [ Cheras ]** minta **PERDANA MENTERI** menyatakan bagaimanakah Malaysia boleh mencapai status negara berpendapatan tinggi pada 2020 dengan menimbangkan beberapa faktor seperti pertumbuhan ekonomi dunia yang lembap, kadar inflasi yang tinggi, kejatuhan harga minyak mentah dan komoditi, kelemahan nilai ringgit dan kadar pertukaran asingnya dengan mata wang-mata wang asing. Apakah ketidaktentuan lain yang akan barangkali mempunyai impak ke atas Pendapatan Negara Per Kapita (GNI).
32. PR-1331-L67071  
**Dato' Hasbullah bin Osman [ Gerik ]** minta **MENTERI PERTANIAN DAN INDUSTRI ASAS TANI** menyatakan kerugian yang dialami oleh golongan petani dan penternak ketika bencana banjir tempoh hari dan bantuan disediakan Kerajaan untuk membantu golongan ini untuk jangka pendek dan jangka panjang.
33. PR-1331-L66637  
**Dato' Seri Reezal Merican bin Naina Merican [ Kepala Batas ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan senarai dua puluh (20) Pihak Berkuasa Tempatan yang mempunyai bajet dan hasil tahunan terbesar di Malaysia.
34. PR-1331-L66788  
**Datuk Juslie bin Ajirol [ Libaran ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan:-
- (a) setakat mana kewujudan Kedai Rakyat 1Malaysia (KR1M) membantu rakyat setempat dalam menawarkan harga barangan yang murah dan berkualiti; dan
  - (b) adakah KR1M wujud di Parlimen Libaran dan jika ada berapakah jumlahnya.

35. PR-1331-L65741  
**Tuan Ahmad Baihaki bin Atiqullah [ Kubang Kerian ]** minta **PERDANA MENTERI** menyatakan apakah usaha yang dilakukan oleh pihak Kerajaan untuk meningkatkan pendapatan dalam membantu membangunkan keupayaan membeli dan memiliki di kalangan rakyat, terutamanya golongan berpendapatan sederhana dan rendah.
36. PR-1331-L67108  
**Datuk Seri Panglima Haji Abdul Ghapur bin Haji Salleh [ Kalabakan ]** minta **MENTERI DALAM NEGERI** menyatakan apakah perancangan jangka panjang Kementerian dalam membanteras pencerobohan untuk tujuan berbagai jenayah seperti penyeludupan dan sebagainya yang masuk melalui sempadan Sebatik di Tawau.
37. PR-1331-L66210  
**Tuan Charles Anthony Santiago [ Klang ]** minta **PERDANA MENTERI** menyatakan mengapa ekuiti orang India kekal pada 1.6 peratus walaupun pelbagai langkah telah diambil oleh Kerajaan. Apakah langkah-langkah yang akan diambil oleh Kerajaan untuk meningkatkan ekuiti orang India dalam Rancangan Malaysia ke-11.
38. PR-1331-L67237  
**Tuan Julian Tan Kok Ping [ Stampin ]** minta **PERDANA MENTERI** menyatakan status Sarawak sekarang, adakah ianya adalah salah satu negara dalam pembentukan Persekutuan Malaysia (*The Federation of Malaysia*) ataupun status negeri seperti yang terdapat di Semenanjung Malaysia.
39. PR-1331-L66479  
**Tuan Sim Tze Tzin [ Bayan Baru ]** minta **PERDANA MENTERI** menyatakan perjalanan dan jumlah kos penggunaan jet 9M-NAA dari 22 Disember 2014 hingga 7 Januari 2015. Senaraikan manifest penumpang.
40. PR-1331-L65552  
**Tuan Fong Kui Lun [ Bukit Bintang ]** minta **MENTERI PENGANGKUTAN** menyatakan jumlah pampasan yang dibayar kepada waris mangsa nahas penerbangan MH370 dan MH17 dan apakah masalah-masalah yang berbangkit dari tuntutan-tuntutan tersebut.
41. PR-1331-L66315  
**Tuan Nga Kor Ming [ Taiping ]** minta **PERDANA MENTERI** menyatakan berapa jumlah *Fee* guaman dan kos yang dibayar kepada peguam Shafie Abdullah dalam mengendalikan pendakwaan dalam kes Dato Seri Anwar Ibrahim v PP.
42. PR-1331-L66944  
**Tuan Mohd Rafizi bin Ramli [ Pandan ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan barangan dan perkhidmatan yang mana peniaga mengambil untung berlebihan dan kenapa Kementerian tidak menggunakan kuasa di bawah Seksyen 15, Akta Kawalan Harga dan Anti Pencatutan untuk menghalangnya.

43. PR-1331-L66348  
**Tuan Lim Kit Siang [ Gelang Patah ]** minta **PERDANA MENTERI** menyatakan kenyataan Pejabat Perdana Menteri mengenai sabit kesalahan Ketua Pembangkang Dato' Seri Anwar Ibrahim, yang membayangkan secara silap bahawa beliau telah melakukan "*serious sexual assault*" ke atas seorang individual, yang sebenarnya bertentangan dengan pendirian yang diambil oleh pihak Pendakwa Raya.
44. PR-1331-L66103  
**Dr. Lee Boon Chye [ Gopeng ]** minta **MENTERI KEWANGAN** menyatakan peratusan hutang isi keluarga (*household debts*) mengikut pendapatan isi keluarga iaitu kurang dari RM5,000 sebulan, RM5,000-10,000 sebulan, RM10,000-20,000 sebulan dan lebih dari RM20,000 sebulan.
45. PR-1331-L66798  
**Tuan Nik Mohamad Abduh bin Nik Abdul Aziz [ Pasir Mas ]** minta **PERDANA MENTERI** menyatakan tindakan yang diambil terhadap menteri yang mengeluarkan kenyataan berbaur perkauman.
46. PR-1331-L66802  
**Tuan Chong Chieng Jen [ Bandar Kuching ]** minta **PERDANA MENTERI** menyatakan apakah pendirian Kerajaan Persekutuan atas seruan kaum Dayak di Sarawak supaya mereka disebut "Bangsa Dayak" dalam borang-borang Kerajaan, bukannya disebut "dan lain-lain" atau "Bumiputera".
47. PR-1331-L66612  
**Tuan Ramkarpal Singh a/l Karpal Singh [ Bukit Gelugor ]** minta **MENTERI PENGANGKUTAN** menyatakan perkembangan berkenaan siasatan ke atas insiden MH17 dan peranan Malaysia di dalam siasatan tersebut dan sekiranya punca tragedi tersebut telah dikenal pasti.
48. PR-1331-L65610  
**Laksamana Pertama Mohamad Imran bin Abd Hamid (B) [ Lumut ]** minta **MENTERI PERTAHANAN** menyatakan adakah hukuman yang dikenakan ke atas Mejar Zaidi TUDM setimpal dengan kesalahan yang dilakukan dan adakah pihak Kementerian Pertahanan mengambil kira jasa yang telah beliau sumbangkan semasa dalam perkhidmatan.
49. PR-1331-L66360  
**Dato' Haji Abdul Rahman bin Haji Mohamad [ Lipis ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan langkah Kementerian untuk memastikan peniaga-peniaga dapat menurunkan harga barang selaras dengan penurunan harga pasaran minyak semasa.
50. PR-1331-L67061  
**Dr. Mansor bin Abd Rahman [ Sik ]** minta **MENTERI TENAGA, TEKNOLOGI HIJAU DAN AIR** menyatakan menjelaskan adakah Kementerian telah mengambil langkah-langkah keselamatan dalam memastikan semua empangan-empangan hidroelektrik terutamanya empangan yang sudah lama dibina melebihi 20 tahun seperti Empangan Pedu dan Empangan Gubir di Sik berada dalam keadaan baik dan selamat.



51. PR-1331-L66234  
**Puan Teresa Kok Suh Sim [ Seputeh ]** minta **MENTERI DALAM NEGERI** menyatakan sama ada Pejabat Imigresen Sabah dan Sarawak terima arahan daripada Kementerian Dalam Negeri untuk mengenakan larangan pada warga asing dan warga Semenanjung Malaysia daripada masuk ke Sabah dan Sarawak. Senaraikan nama warga Semenanjung Malaysia yang dilarang masuk ke Sabah dan Sarawak.
52. PR-1331-L66105  
**Dr. Lee Boon Chye [ Gopeng ]** minta **MENTERI PENGANGKUTAN** menyatakan jumlah saman AES yang dikeluarkan setiap tahun sejak AES dilaksanakan.
53. PR-1331-L67264  
**Dato' Dr. Mujahid Yusof Rawa [ Parit Buntar ]** minta **MENTERI SUMBER ASLI DAN ALAM SEKITAR** menyatakan usaha yang diperbuat untuk menambah baik peruntukan undang-undang dalam menilai kesan pembalakan kepada alam sekitar, khususnya peristiwa di Cameron Highlands baru-baru ini dan banjir di Kelantan.
54. PR-1331-L66656  
**Tuan Loke Siew Fook [ Seremban ]** minta **PERDANA MENTERI** menyatakan bagaimana peruntukan RM800 juta telah dibelanjakan untuk membantu mangsa-mangsa banjir seperti yang diumumkan oleh Timbalan Menteri Kewangan, Datuk Ahmad Maslan pada 5 Januari 2015.
55. PR-1331-L66104  
**Dr. Lee Boon Chye [ Gopeng ]** minta **MENTERI PENDIDIKAN** menyatakan kedudukan terkini pembekalan guru-guru terlatih di Sekolah Kebangsaan, di Sekolah Jenis Kebangsaan (C) dan di Sekolah Jenis Kebangsaan (T).
56. PR-1331-L67168  
**Datuk Ikmal Hisham bin Abdul Aziz [ Tanah Merah ]** minta **PERDANA MENTERI** menyatakan apakah hikmah yang boleh dipelajari oleh rakyat negara ini berikutan bencana banjir yang berlaku baru-baru ini.
57. PR-1331-L66439  
**Tuan Lim Lip Eng [ Segambut ]** minta **MENTERI DALAM NEGERI** menyatakan tindakan diambil berhubung rakaman video penyanyi Zamani Slam ketika sedang digari polis.
58. PR-1331-L66532  
**Tuan Tony Pua Kiam Wee [ Petaling Jaya Utara ]** minta **MENTERI KEWANGAN** menyatakan sama ada SRC International Sdn. Bhd. telah melabur dalam syarikat tenaga di Mongolia dan apakah butiran terperinci pelaburan tersebut dan kedudukan terkini.

59. PR-1331-L67188  
**Puan Kasthuriraani a/p Patto [ Batu Kawan ]** minta **MENTERI PENDIDIKAN** menyatakan tarikh pembinaan sekolah baru bagi SJKT Sungai Bakap memandangkan Timbalan Menteri Pendidikan, P. Kamalanathan menyatakan dalam temu ramah NST bahawa pembinaan akan bermula pada pertengahan tahun 2014 namun tiada apa-apa perkembangan dilihat di tapak baru.
60. PR-1331-L66739  
**Tuan Chua Tian Chang @ Tian Chua [ Batu ]** minta **MENTERI KEWANGAN** menyatakan apakah sebab-sebab 1MDB enggan menggunakan dana berbilion ringgit yang disimpan di Cayman Islands. Adakah jutawan Ananda Krishnan telah bersetuju untuk memberi pinjaman. Apakah terma dan syarat pinjaman ini.
61. PR-1331-L66300  
**Tuan Wong Sze Phin @ Jimmy [ Kota Kinabalu ]** minta **MENTERI PELANCONGAN DAN KEBUDAYAAN** menyatakan apakah Kerajaan mempunyai rancangan untuk menempatkan semula (*relocate*) Batu Sumpah yang terletak di Keningau dan meletak semula perkataan “Kerajaan Malaysia Jamin” di atas Batu Sumpah. Adakah Kerajaan berniat untukewartakan Batu Sumpah sebagai warisan negara dan menaiktarafkan tempat itu menjadi taman peringatan negara.
62. PR-1331-L67036  
**Datuk Wee Jeck Seng [ Tanjong Piai ]** minta **MENTERI DALAM NEGERI** menyatakan apakah langkah proaktif yang diambil oleh PDRM selain daripada meningkatkan rondaan untuk mengurangkan kes samun, curi kenderaan dan pecah rumah yang selalunya suspek sukar dikenal pasti.
63. PR-1331-L67117  
**Tan Sri Dato' Sri Dr. Jamaluddin bin Mohd Jarjis [ Rompin ]** minta **MENTERI KEMAJUAN LUAR BANDAR DAN WILAYAH** menyatakan:-
- (a) perancangan pihak Kementerian untuk menaik taraf bekalan air di luar bandar sama ada di kampung-kampung tradisional dan di FELDA-FELDA bagi memastikan bahawa gangguan bekalan air bersih dapat memenuhi keperluan setempat seperti di Gugusan Tun Razak dan Selancar; dan
  - (b) apakah usaha-usaha yang dilakukan oleh Kementerian untuk membekalkan air bersih di kawasan luar bandar di kawasan perkampungan tradisional dan di felda-felda.
64. PR-1331-L66713  
**Puan Teo Nie Ching [ Kulai ]** minta **PERDANA MENTERI** menyatakan jumlah orang yang didakwa di bawah Seksyen 377 Kanun Keseksaan dan jumlah orang yang dihukum di bawah seksyen tersebut.

65. PR-1331-L66270  
**Tuan Su Keong Siong [ Ipoh Timor ]** minta **MENTERI PELANCONGAN DAN KEBUDAYAAN** menyatakan keberkesanan projek *Malaysia My Second Home (MM2H)*. Apakah kriteria-kriteria kelayakan dan peraturan-peraturan yang diguna-pakai untuk permohonan di bawah program tersebut.
66. PR-1331-L65677  
**Datuk Dr. Makin @ Marcus Mojigoh [ Putatan ]** minta **PERDANA MENTERI** menyatakan:-
- (a) apakah pandangan dan komitmen Kerajaan Persekutuan ke atas Batu Sumpah Keningau yang didirikan bersempena dengan Perjanjian Malaysia 1963; dan
  - (b) apakah langkah-langkah yang telah diambil oleh Kerajaan mengenai dengan dakwaan oleh sesetengah pihak bahawa jaminan ke atas 3 perkara dalam Batu Sumpah itu telah terhakis.
67. PR-1331-L66518  
**Datuk Mohd Idris bin Jusi [ Batu Pahat ]** minta **MENTERI KEMAJUAN LUAR BANDAR DAN WILAYAH** menyatakan jumlah orang asal di negeri Johor dan kadar kemiskinan dan pengangguran di kalangan mereka. Apakah langkah-langkah yang telah dijalankan bagi memperbaiki kedudukan sosio-ekonomi mereka.
68. PR-1331-L66326  
**Dr. Tan Seng Giaw [ Kepong ]** minta **MENTERI KEWANGAN** menyatakan keadaan dan ramalan harga minyak, kekurangan pendapatan dari eksport dan keuntungan dari import.
69. PR-1331-L67002  
**Tan Sri Dato Sri William Mawan Ikom [ Saratok ]** minta **MENTERI PERDAGANGAN ANTARABANGSA DAN INDUSTRI** menyatakan apakah status terkini Malaysia di dalam AFTA dan apakah kesannya kepada industri automobil negara.
70. PR-1331-L67124  
**Tuan Gobind Singh Deo [ Puchong ]** minta **MENTERI DALAM NEGERI** menyatakan bagaimana Koperul Sirul Azhar Umar boleh keluar daripada Malaysia sementara menunggu rayuan di Mahkamah Persekutuan dan apakah langkah-langkah yang diambil untuk membawanya kembali ke Malaysia daripada Australia.
71. PR-1331-L65415  
**Dato' Seri Ong Ka Chuan [ Tanjong Malim ]** minta **MENTERI KEWANGAN** menyatakan apakah langkah dan kaedah yang akan diambil oleh Kerajaan untuk mempertingkatkan Keluaran Dalam Negara Kasar (KDNK) yang diunjurkan akan menurun pada tahun ini.

72. PR-1331-L66471  
**Ir. Shahrudin bin Ismail [ Kangar ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah langkah-langkah Kementerian untuk mendesak peniaga-peniaga menurunkan harga barang berikutan penurunan harga minyak.
73. PR-1331-L66383  
**Tuan Sim Chee Keong [ Bukit Mertajam ]** minta **PERDANA MENTERI** menyatakan laporan aktiviti IM4U termasuk perbelanjaan, senarai aktiviti, negeri dan organisasi rakan (*partner organisations*). Adakah objektif-objektif utama IM4U telah tercapai.
74. PR-1331-L66080  
**Datuk Noor Ehsanuddin bin Mohd Harun Narrashid [ Kota Tinggi ]** minta **MENTERI PERTAHANAN** menyatakan adakah Kementerian bercadang untuk menambah aset ketenteraan yang boleh digunakan bukan sahaja untuk peperangan tetapi aset yang boleh dikategorikan sebagai “pelbagai guna” seperti boleh digunakan untuk *Operasi Search and Rescue* dan boleh digunakan untuk menghadapi bencana seperti banjir.
75. PR-1331-L66547  
**Puan Rubiah binti Haji Wang [ Kota Samarahan ]** minta **MENTERI DALAM NEGERI** menyatakan status menaik taraf perjawatan IPD Kota Samarahan daripada Gred C kepada Gred B.
76. PR-1331-L66133  
**Tuan Ignatius Dorell Leiking [ Penampang ]** minta **MENTERI PENDIDIKAN** menyatakan syarat-syarat pengecualian daripada mengikuti pendidikan wajib dan jika *home schooling* boleh menjadi pilihan ibu bapa dalam menentukan jenis pendidikan anak mereka.
77. PR-1331-L66894  
**Dr. Haji Izani bin Haji Husin [ Pengkalan Chepa ]** minta **MENTERI KEMAJUAN LUAR BANDAR DAN WILAYAH** menyatakan:-  
(a) jumlah jalan kampung yang telah dibina dan dibaiki di Parlimen Pengkalan Chepa; dan  
(b) nyatakan nama dan panjang jalan.
78. PR-1331-L67384  
**Datuk Joseph Salang anak Gandum [ Julau ]** minta **PERDANA MENTERI** menyatakan nama-nama negara di mana Petronas beroperasi serta jenis dan nilai keluaran masing-masing.
79. PR-1331-L66195  
**Tuan Oscar Ling Chai Yew [ Sibu ]** minta **MENTERI PENGANGKUTAN** menyatakan langkah yang diambil untuk memastikan pesawat-pesawat adalah sentiasa selamat terbang di Malaysia. Adakah Kerajaan sudah berhenti untuk terus mencari pesawat MH370.

### **ATURAN URUSAN MESYUARAT DAN USUL-USUL**

1. **Usul dibuat oleh Yang Berhormat Datuk Seri Noh bin Haji Omar [ Tanjong Karang ]** dan masalah dicadangkan :-

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Ketiga, Parlimen Yang Ketiga Belas.”

#### **Menyambung semula Perbahasan atas masalah (10 Mac, 2015)**

- |    |                |   |   |
|----|----------------|---|---|
| 2. | (D.R. 24/2014) | Rang Undang-undang Dadah Berbahaya<br>(Pindaan) (No.2) 2014<br><br><b>[ Menteri Kesihatan]</b>              | <b>Bacaan<br/>Kali<br/>Yang<br/>Kedua</b> |
| 3. | (D.R. 29/2014) | Rang Undang-undang Pendidikan<br>(Pindaan) 2014<br><br><b>[ Menteri Pendidikan ]</b>                        | “   |
| 4. | (D.R. 26/2014) | Rang Undang-undang Perhubungan<br>Perusahaan (Pindaan) 2014<br><br><b>[ Menteri Sumber Manusia ]</b>        | “   |
| 5. | (D.R. 30/2014) | Rang Undang-undang Teknologis dan<br>Juruteknik 2014<br><br><b>[ Menteri Sains, Teknologi dan Inovasi ]</b> | “   |
| 6. | (D.R. 23/2014) | Rang Undang-undang Ahli Parlimen<br>(Saraan) (Pindaan) 2014<br><br><b>[ Perdana Menteri ]</b>               | “   |

7. PR-1331-U65762

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

**[ Perdana Menteri ]**

8. PR-1331-U65853

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

**[ Menteri Dalam Negeri ]**

9. PR-1331-U65760

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

**[ Perdana Menteri ]**

10. PR-1331-U66345

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan banjir besar di negara."

**[ Perdana Menteri ]**

11. PR-1331-U66346

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan gerakan militan di Malaysia."

**[ Menteri Dalam Negeri ]**

12. PR-1331-U67135

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

**[ Menteri Dalam Negeri ]**

13. PR-1331-U67141

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[ Menteri Pendidikan ]**